



DET KONGELEGE KOMMUNAL- OG MODERNISERINGSDEPARTEMENT

Ifølgje liste

Dykkar ref

Vår ref

Dato

16/775-5

10. november 2017

Presisering i retningslinjene for ferjeavløysingsordninga

Vi vil med dette orientere om at Kommunal- og moderniseringsdepartementet (KMD) og Samferdselsdepartementet (SD) har teke inn ei presisering i retningslinjene for ferjeavløysingsordninga. Presiseringa gjeld korleis ei eventuell bompengefinansiering vil verke inn på lengda på utbetalingsperioden for ferjeavløysingsmidlar.

Ferjeavløysingsordninga for fylkesvegferjer blei lagt fram i kommuneproposisjonen for 2016 (Prop. 121 S (2014–2015)). Retningslinjene for ordninga blei fastsett av KMD og SD i februar 2016 og revidert i mars 2017.

Eit vegprosjekt kan utløyse ferjeavløysingsmidlar i inntil 40 år, men fylkeskommunen skal i sum ikkje få meir i ferjeavløysingsmidlar enn dei nominelle byggekostnadene til prosjektet (jf. punkt 5.4 og 5.4.1 i retningslinjene). Departementa legg til grunn at fylkeskommunane ikkje skal få dobbel kompensasjon for dei same kostnadene gjennom ferjeavløysingsordninga og andre ordningar. Meirverdiavgiftskompensasjonen blir derfor trekt ut av berekningsgrunnlaget når lengda på utbetalingsperioden skal fastsetjast (jf. punkt 5.4.2 i retningslinjene).

Departementa har no presisert at tilsvarande gjeld for eit eventuelt finansieringsbidrag frå bompengar, jf. nytt punkt 5.4.3 i retningslinjene:

Fylkeskommunen kan ikkje få dobbel kompensasjon for dei same byggekostnadene gjennom både ferjeavløysingsmidlar og bompengordninga. For prosjekt som omfattar bompengefinansiering, vil finansieringsbidraget frå bompengar bli trekt frå byggekostnadene ved fastsetjing av berekningsgrunnlaget.

Postadresse
Postboks 8112 Dep
0032 Oslo
postmottak@kmd.dep.no

Kontoradresse
Akersg. 59
www.kmd.dep.no

Telefon*
22 24 90 90
Org no.
972 417 858

Avdeling
Kommunalavdelinga

Saksbehandlar
Lars Tore Rydland
22 24 68 80

Dette betyr at bompengar, ferjeavløysingsmidlar og meirverdiavgiftskompensasjon i sum ikkje kan utgjere meir enn 100 pst. av byggekostnaden i finansieringsplanen.

Departementa har også presisert at eventuelle bompengeinntekter ikkje kan nyttast til å betale renter på lån teke opp med ferjeavløysingsmidlar, jf. nytt punkt 5.4.4 i retningslinjene:

Ferjeavløysingsmidlane kan berre betalast ut til fylkeskommunen, og ikkje til eit eventuelt bompengeselskap. Bompengeinntekter kan ikkje nyttast til å dekkje rentekostnader på lån som bompengeselskapet ikkje sjølv har teke opp og står ansvarleg for. Bompengeinntekter kan derfor ikkje nyttast til å betale renter på lån teke opp av fylkeskommunen på grunnlag av ferjeavløysingsmidlar.

Denne presiseringa følgjer av etablert praksis for bruk av bompengar, som er at bompengeselskapet ikkje har kostnadsansvar for renter på lån det ikkje sjølv har teke opp og står ansvarleg for. Sidan ferjeavløysingsmidlane ikkje kan betalast ut til andre enn fylkeskommunen, er det fylkeskommunen som må stå ansvarleg for lån som blir betalt med desse midlane.

Vi presiserer at retningslinjene ikkje stiller noko krav om at det skal vere delvis bompengefinansiering av ferjeavløysingsprosjekt. Det er opp til fylkeskommunen å vurdere om ein vil søkje om både bompengar og ferjeavløysingsmidlar for å finansiere vegprosjektet.

Dei reviderte retningslinjene for ordninga er lagt ved dette brevet og er også publisert på KMDs nettsider.

Med helsing

Grete Lilleschulstad (e.f.)
underdirektør

Lars Tore Rydland
seniorrådgjevar

Dokumentet er signert elektronisk og har derfor ikkje handskrive signaturar

Kopi

Samferdselsdepartementet

Adresseliste

Akershus fylkeskommune	Postboks 1200 Sentrum	0107	OSLO
Aust-Agder fylkeskommune	Postboks 788 Stoa	4809	ARENDAL
Buskerud fylkeskommune	Postboks 3563	3007	DRAMMEN
Finnmark fylkeskommune	Fylkeshuset	9815	VADSØ
Hedmark fylkeskommune	Postboks 4404	2325	HAMAR
Hordaland fylkeskommune	Bedriftssenteret		
	Postboks 7900	5020	BERGEN
Møre og Romsdal fylkeskommune	Fylkeshuset	6404	MOLDE
Nordland fylkeskommune	Prinsens gate 100	8048	BODØ
Nord-Trøndelag fylkeskommune	Seilmakergata 2	7735	STEINKJER
Oppland fylkeskommune	Postboks 988	2626	LILLEHAMMER
Oslo kommune	Rådhuset	0037	OSLO
Rogaland fylkeskommune	Postboks 130 Sentrum	4001	STAVANGER
Sogn og Fjordane fylkeskommune	Fylkeshuset, Askedalen 2	6863	LEIKANGER
Statens vegvesen Vegdirektoratet	Postboks 8142 Dep	0033	OSLO
Sør-Trøndelag fylkeskommune	Postboks 2350 Sluppen	7004	TRONDHEIM
Telemark fylkeskommune	Postboks 2844	3702	SKIEN
Troms fylkeskommune	Postboks 6600	9296	TROMSØ
Vest-Agder fylkeskommune	Postboks 517	4605	KRISTIANSAND S
Vestfold fylkeskommune	Lundsiden		
	Svend Foyns gate 9	3126	TØNSBERG
Østfold fylkeskommune	Postboks 220	1702	SARPSBORG